



飭部一併籌辦一片均著依議欽此

交片

閏二月初五日交內閣轉傳值年旗各部院衙門本月十一日 監國攝政王在 文華殿班見王公百官定於已刻行禮相應傳知貴閣一體轉傳遵照可也此交

奏議錄要

軍機處奏章京保送 京察請准照額計算等片

再查本處光緒三十二年奏定新章額設章京滿十六員漢十八員均開去底缺以原官充補新傳人員試看一年奏留候補者再三年期滿作為實官 京察年分仿照奏事官之例每六員保送一等一員又查吏部則例內載京察按各衙門額缺多寡事務繁簡分別定額各等語是保送 京察向例均按額缺計算本處章京設有定額與各衙門司員設有定缺事同一律惟該章京等補額本非一時補官即有先後綜計滿漢章京三十四員斷無全數補齊實官之一日若以實缺人數不敷之故不能照額保送一等則該章京等有曾補實官行走多年者反致向隅殊不足以資鼓勵擬懇 恩每遇 京察年分准照奏定額缺不論實缺候補合併計算每六員內遴選實官合例者保送一等一員如蒙 俞允由臣等咨送各該衙門照章辦理至上年因事務較繁奏准添傳漢章京二員嗣後可否作為定額臣等未敢擅便請 旨遵行謹 奏宣統元年閏二月初二日奉 旨依議欽此

東三省總督徐世昌奏查覆協統被參各款並就原案審擬情形摺

奏為遵 旨查明陸軍第一混成協協統王振畿被參各節並就原案審明核擬情形據實覆陳恭摺仰祈

聖鑒事竊查承准軍機大臣字寄光緒三十四年八月十七日奉 上諭有人奏奉天協統王振畿縱容兵丁

擾累村民致釀人命等語著徐世昌按照所參各節秉公查辦毋稍枉縱據實具奏原片著鈔給閱看欽此遵

旨寄信前來等因准此遵查此案前據第一混成協協統王振畿呈送護兵王寶川被槍轟傷身死一案當因案

關營務發交行營發審處會同兵備處鄉鎮巡警總局提集人證訊明王寶川係被旗人恒啟開放洋槍轟傷身死

飭據提法司提審無異造册解經臣覆勘相符遵章彙案具奏在案奉准前因即經飭委提法使吳鈞會同巡防營

務處調核原案卷宗提同人證秉公確查訊辦去後茲據該司等會同調查奉天府地方檢察廳原驗卷宗並飭據

前鄉鎮巡警總局總辦前直隸補用知府陳友璋將營兵先後兩次送局暨會同覆驗情形查覆一面移提第一混成協兵丁質訊旋准陸軍兵備處以兵丁王文山李貴榮卽李桂榮業已責革將趙銀亭鮑永興陳雲勝卽陳允勝查傳移解並傳同方長楊廷蘭等到案督同刑事科僉事魏倬行營發審處委員直隸補用直隸州知州鄭焯提犯質訊各供與原審大致相同復經該司等逐款查明確核擬議呈請具奏前來臣卽就原參各節並該司等現在查訊情形證以案牘覆加查核如原參奉天城西馬門子屯居民程恒啟由上年經本村民公舉充當社長本年二月間突來不知姓名五人兇橫異常自稱係常備軍旣無軍衣又無憑照各持手槍強捉林姓大車村民疑係鬍匪冒充遂卽稟請巡警局遣派巡警將此五人拘獲轉送總局由該局總辦陳友璋訊明實係常備軍第二十四標協統王振畿部下兵丁隨卽解交該營以便懲治約束不料該協統王振畿袒庇兵丁概不究問一節查第一混成牛榮協防程恒啟之弟程慶啟充當後馬門子方長與前馬門子林家台子聯會辦事光緒三十四年二月間第一混成協第二十四標第二營步隊護兵王簀川奉長官命令與兵丁鮑永興趙銀亭王文山陳雲勝卽陳允勝李貴榮卽李桂榮改裝裝束帶同事主賈殿鈞訪拿鬍匪李文堂因覓得眼線胡永富探明李文堂蹤跡分路躡緝十三日王文山陳雲勝李貴榮與賈殿鈞胡永富五行至林家台子屯北適林德文與姪由鄰村趕火車回歸王文山等向林德文聲稱係西佛牛條防兵一齊上車令林德文拉送石佛寺有事林德文之姪因見未穿軍衣帶有小槍形跡可疑趕赴會上告知當經前馬門子方長楊廷蘭林家台子方長林德春與程慶啟領同會衆人等趕往攔住索看護照王文山等未經攜帶楊廷蘭等恐係假冒將其概把槍三桿子母三十餘粒銀洋兩圓六角馬表兩個搜出卽用林德文大車拉送沙嶺堡巡警分局轉送鄉鎮巡警總局問明實係第二十四標第二營步隊將槍枝子母銀洋馬表如數交還王文山等聲稱短少子母十七粒經鄉鎮巡警總局訊明楊廷蘭等實未扣留子母將王文山等送交陸軍兵備處交由該長官酌量懲辦該協統因該兵等探訪鬍匪已有縱跡仍飭趕緊捕拿未及按法懲治遂有二十一日護兵王簀川被程恒啓槍斃之事此查明起衅之實在情形也又如原參該兵丁因記恨該村民前日拘獲送局之嫌起意糾約本營兵丁攜帶洋槍器械往尋該村民鬪毆洩忿行至村口撞遇程恒啓之弟程慶啓當卽辱罵兇毆意圖致死適堡防巡警局聞信遣派巡警到場彈壓該兵丁膽敢開槍拒敵以致同夥兵丁王簀川誤中飛

彈斃命一節查是月二十一日王簷川與鮑永興趙銀亭王文山陳雲勝將飭拿之鬍匪李文堂並田長祥二名捕獲並李文堂眷屬婦人一名小孩四名用大車兩輛拉送回防路經馬門子屯外趙銀亭王文山陳雲勝押同車輛在屯西看守王簷川因挾前次王文山等被楊廷蘭等送局之嫌遂以追要子母爲名起意尋衅與鮑永興分挾概把槍王簷川並攜木棒至前馬門子往找楊廷蘭未遇鮑永興復赴後馬門子尋獲程慶啟追要短少子母程慶啟分辯彼此口角鮑永興將程慶啟揪住拉至前馬門子與王簷川會遇王簷川不容分說用木棍將程慶啟毆打致傷頭顱等處程慶啟順槍木棍還毆傷王簷川額顙左太陽左肘左臂王簷川復用木棍將程慶啟胸膛等處毆傷昏暈倒地鮑永興因恐會衆趕來即時走避堡防周福財聞信前往彈壓王簷川瞥見放槍威嚇周福財折回邀人適程恒啓由外回家聞知程慶啟被兵丁拉去毆打性命難保攜取防夜洋槍趕往途遇周福財邀令一同往救程恒啓見程慶啟受傷倒地不能動彈王簷川正舉槍向程慶啟開放程恒啓一時情急用洋槍嚇放致槍子穿入王簷川口內透過腦後並砂子轟傷頭面倒地先時鮑永興走出屯外向趙銀亭等告知情由一同進屯查看見程恒啓手持洋槍王簷川被傷倒地楊廷蘭亦與會衆等趕至將程慶啟抬回調治王簷川移時因傷殞命當時實止堡防周福財一人聞信前往彈壓巡警局相距較遠並無派遣巡警到場彈壓之事且王簷川因周福財前往彈壓開放手槍當時鮑永興業已走避迨後舉槍向程慶啟開放正在扳機尙未觸發尙來飛彈誤中此訊明王簷川被程恒啓槍斃之實在情形也又如原參程恒啓遂即隨同鄉耆具稟巡警分局轉稟總局飭由審判廳推事長蕭文華當場檢驗屍身彈傷與兵丁所帶子彈相符並由陳友璋審訊隨同滋事兵丁均各供認實因挾嫌洩忿與已死之王簷川亦因誤中飛彈斃命並無兇手可指衆供確鑿毫無疑義不料協統王振畿袒庇兵丁誤陷平民不顧原供原驗朦朧總督自帶醫件開棺復驗不准村人旁視囑令滋事兵丁趙銀亭等誣指程恒啓及堡防周福財姜玉平等綁送鄉鎮總局由王振畿自行借局審訊濫用非刑威逼程恒啓認爲正兇鍛鍊周內定以絞監候罪名以致人心不平人言嘖嘖一節查方長楊廷蘭等因兵丁王簷川被傷身死報由沙嶺堡巡警分局將該兵丁趙銀亭並被獲之李文堂等送交鄉鎮巡警總局經該總局以趙銀亭等均係軍人未便審訊咨送陸軍兵備處訊辦一面由巡警分局移知第五初級檢察廳轉報奉天府地方檢察官蕭晉榮詣驗王簷川委係被洋槍轟傷身死當時遍尋

槍子無獲無憑核對並驗明程慶啓傷痕飭醫調治各具各結呈報並由該協統呈經臣批飭行營發審處會同兵備處鄉鎮巡警總局派員帶同醫官並原驗件作覆驗集訊程恒啟供認不諱將程恒啟依因爭鬪擅用洋槍施放殺人者以故殺論者斬律擬斬監候遵照新章改爲絞監候發交提法司吳鈞提訊無異照章造冊解經臣審勘相符彙案具奏查呈報命案向由檢察廳驗明屍傷起訴原參謂由審判推事長蕭文華檢驗實係傳聞之誤屍身彈傷原驗時因槍子無獲無憑核對檢獲王簀川所遺槓把槍驗有煙痕嗅有藥味致有兵丁開槍拒敵王簀川誤中飛彈斃命之謠行營發審處會訊時兵丁鮑永興等堅執並未放槍該犯程恒啟亦未據實供明今既審出實情既有周福財當場目擊可證又有檢查廳原驗卷宗可查應即據實更正該巡警總辦陳友璋因趙銀亭等均係軍人並未審訊自無供認王簀川因誤中飛彈斃命之事該協統因兵丁斃命應由本營醫檢驗呈明批飭行營發審處會同兵備處鄉鎮巡警總局派員帶同醫生並原驗件作覆驗係爲慎重人命起見確非朦混呈請至該兵丁趙銀亭等當場指程恒啟爲正兇訊係鮑永興向趙銀亭等告知情由一同往看見程恒啟手持洋槍王簀川被傷倒地故知程恒啟爲正兇並未有人囑令誣指亦無將周福財姜玉平等綁送鄉鎮總局該協統亦未借局審訊更無濫用非刑逼認之事原辦將程恒啟擬絞監候罪名係屬遵照例章由斬改絞情罪相當何至人心不平人言嘖嘖此查明原辦此案之實在情形也復查此案護兵王簀川因同營兵丁硬坐民人車輛被會衆送局竟敢挾嫌以追要子母爲名將程慶啓毆傷倒地堡防周福財前往彈壓復敢開放手槍迨程恒啟往救又復舉槍向程慶啓開放原參謂該兵丁將程慶啓辱罵兇毆意圖致死不爲無因似此依勢欺實屬目無法紀該犯程恒啟往救情急開槍致斃事犯在光緒三十四年十一月初九日 恩詔以前雖係火器殺人不准援免惟係兵丁挾嫌尋衅擾害民人定案時因係彼此互毆未便照擅殺科斷其情實有可原在部議條款酌入緩決之列應請將該犯程恒啟於秋審時酌入緩決兵丁王文山陳雲勝李貴榮出外辦案硬坐民人車輛致肇釁端已屬不合因會衆將其獲送王文山陳雲勝竟敢隨同王簀川復至該屯以追要子母爲名雖當時王文山陳雲勝並未進屯究未能諉爲不知鮑永興隨王簀川一同進屯將程慶啟拉出與王簀川毆打均屬干犯法規業經兵備處將王文山陳雲勝李貴榮擬以監禁與鮑永興一併責革現又恭逢 恩詔請免重科王簀川挾嫌尋釁兇毆傷人本干例擬業已身死應毋庸

議該協統王振畿有兵丁出外辦案硬坐民人車輛經兵備處送交該營酌量懲辦該協統實因該兵丁探有鬻匪蹤跡仍飭趕緊捕拿以致未及按法懲治復釀事端殊非該協統意料所及尚無縱容兵丁擾累村民情事應請免其置議除將程恒啓一犯核擬情形咨行法部大理院查核更正外所有查明協統王振畿被參各節並就原案審明核擬緣由理合恭摺覆陳伏乞

皇上聖鑒訓示謹 奏宣統元年二月三十日奉 硃批知道了欽此

### 公牘錄要

#### 督憲楊准外務部咨各公使議津埠市面危迫當妥籌善法等事札飭天津商會籌議文

爲札飭事二月二十七日准 外務部咨開茲據德雷使到署面稱天津商務劣敗華商虧欠外國各銀行款項爲數甚鉅到期不能歸還市面情形危迫務祈咨行直督妥籌善法以維持市面等語並代駐京各使開送節略前來查其節略內有天津商務總會擬借公債款由華官擔保以資周轉一節當答以此事中國政府自必設法維持惟華商欠洋款係該商等個人之事與政府無涉不能因此由政府爲之擔保借款等語究竟津埠華洋貿易現在情形若何如果實係商情困窘市面可危自應亟籌維持之策固不宜聽各商任意拖欠洋款亦不可操之太急轉致紛紛倒閉應如何妥籌善法相應照錄咨行查照酌奪辦理並聲覆本部可也等因到本大臣准此查此案屢經本大臣督同津海關道暨商會與各國領事一再籌議除將歷辦情形先行咨覆並分行外合行札飭札到該商會即便遵照前批妥速籌議具覆事關津埠商務大局毋稍疎延爲要此札

#### 督憲楊准郵傳部咨請飭撥實業學堂常年經費札飭上海招商總局查照文

爲札飭事宣統元年二月二十七日准 郵傳部咨丞參廳法制科案呈准上海高等實業學堂監督唐侍郎咨稱本學堂常年經費全賴輪電兩局按時撥解以濟要需請分飭輪電兩局仍照向章撥解等因查招商局每年應撥解該學堂常費二萬兩又加撥經費二萬五千兩上年招商局解款延緩并稱加撥之款無力籌解等語業經貴督飭令該局將常費二萬兩迅速籌解至加撥一款由該局於北洋防費項下挪出銀一萬兩以濟要需在案該堂用款殷繁全賴此款以資應付希即飭令該局仍照向章按期撥解以濟要需相應咨行貴督查照見覆可也等因到

本大臣准此合行札飭札到該局即便查照妥速籌議稟覆核咨此札

天津縣議事會移董事會議定養贍僧道辦法文

為移會事案查議事會議定清釐廟宇廟產養贍僧道辦法一案於本年二月二十一日蒙自治總局移開為移會事宣統元年二月十五日奉 督憲批據撤局詳覆核議天津縣議事會稟擬收回廟宇廟產養贍僧道辦法緣由一案蒙批開據詳已悉天津縣議事會所擬收回廟宇廟產養贍僧道辦法既據該局核議妥善可行應准照辦仰飭該會遵照辦理並行天津府縣查照繳摺存等因奉此除分行天津府縣查照外相應錄批備文移會為此合移煩即查照辦理施行須至移者計粘抄原詳一紙等因蒙此相應照錄原詳稟原摺移會貴會查照辦理所有議事會議定養贍僧道辦法緣由特此備文移會貴會即祈查照施行須至移者

附自治總局原詳 為詳覆事光緒三十四年十二月初十日案奉憲台札開據天津縣議事會具稟擬定收回廟宇廟產養贍僧道辦法請示遵等情到本督部堂據此除批稟摺均悉該會擬將收回廟宇廟產酌提款項養贍僧道自係體恤方外起見所議辦法十一條是否盡善候行自治總局核議詳覆飭遵此繳等因印發外合行札飭札到該局即便查照辦理此札計粘抄稟並發清摺一扣仍繳等因奉此查天津縣議事會所擬收回廟宇廟產養贍僧道辦法詳列租價賣價劃給僧道養贍各細數具有等差於清釐公款公產之中仍寓體恤方外之意其第十條從前已有成案者仍舊辦理第十一條自行出資建廟施產者不由董事會收管均能界限分明不侵不越其餘各條亦屬妥善可行應請憲台鑒核飭令該會遵照辦理所有遵飭核議天津縣議事會收回廟宇廟產養贍僧道辦法緣由理合備文具詳伏乞照詳施行須至詳者

附議事會原稟 敬稟者案查議事會遵照地方自治章程稟定條例議定清釐廟宇廟產辦法六條曾經稟蒙憲台批准立案通飭在案查天津縣境廟宇廟產甚多僧道住持其間雖屬清修而衣食之源亦取資於此茲值清釐廟宇廟產之時若不籌有餘資作為養贍殊不足以示體恤議員等公同議定辦法共計十一條於清釐公款公產之中仍寓體恤僧道之意為此繕摺稟請憲台鑒核敬祈批示遵行肅此敬請崇安伏希垂鑒

附呈原摺辦法十一條 謹將收回廟宇廟產養贍僧道辦法十一條繕具清摺恭呈憲鑒 計開 第一條本縣

廟宇廟產自經清釐收回後所有契據租摺及出租變賣各事統由董事會收管經理其應發之養贍費亦由董事會按照租價分別支付 第二條廟宇廟產出租以每年所得租價支付僧道養贍費應分圍牆以內及圍牆以外兩種其細數如左 甲圍牆以內 收租價在一百元以上者養贍費給租價全數 一百以外者 給一百元 四百元以外者 給一百二十元 六百元以外者 給一百五十元 八百元以上者 給一百八十元 一千元以外者 給二百元 一千五百元以上者 給二百五十元 二千元以外者 給三百元 乙圍牆以外 收租價在五元以上者養贍費給租價全數 五十元以上者 給五十元 二百元以上者 給六十元 三百元以上者 給七十五元 四百元以上者 給九十元 五百元以上者 給一百元 七百五十元以上者 給一百二十五元 一千元以外者 給一百五十元 一千五百元以上者 給一百八十元 二千元以外者 給二百元 第三條所有廟宇廟產若有變賣時應給僧道之養贍費細數如左 收賣價在三百元以內者養贍費給賣價全數 三百元以上者 給三百元 一千元以外者 給三百三十元 一千五百元以上者 給三百六十元 二千元以外者 給四百元 二千五百元以上者 給四百五十元 三千元以外者 給五百元 四千元以外者 給五百六十元 五千元以外者 給六百元 六千元以外者 給七百元 七千元以外者 給八百元 八千元以外者 給九百元 九千元以外者 給一千元 第四條所有廟宇廟產若有須裁賣時應由董事會先將全廟產業估計價值核定應發養贍數目按數發給養贍費下餘產業與該僧道無干 第五條所有廟宇廟產有經議事會詳准各局所學堂佔用者其養贍費應將全廟估計由佔用之局所學堂按照前條細數自行發給 第六條僧道所有徒衆無論多寡其養贍費只按以上細數發給該廟住持僧道一人 第七條董事會以租價發給之養贍費若該廟住持圍寂還俗或逃遁時准由該僧道之承嗣徒衆接續支領如無承嗣之人即將養贍費一律停止 第八條僧道徒衆董事會應調查明確將法名註冊備查此後如添收徒衆由該住持到董事會報名由董事會查明註冊不報者董事會即不承認 第九條董事會賣價發給之養贍費自發給後概聽該僧道自便 第十條此項辦法自蒙 督憲批准之日實行其從前已有成案者仍舊辦理 第十一條此項章程自實行之日以後如有人自行出資另建廟宇或施作廟產者其廟宇廟產不由董事會收管

## 文告錄要

督憲批示錄要○礦政調查局詳陳錫周稟辦井陘煤礦既願遵章退離井陘礦局礦界六百官尺以外應否仍飭照常勸辦由 批據詳陳錫周稟辦礦產雖經遵章退讓惟究竟確否在井陘礦局礦界六百官尺以外且郵傳部現在井陘境內購定礦地甚多陳商請勘地段是否亦在部購礦地界外均難臆度其部購礦地多在井陘局地以內將來部局兩處礦界或有移易亦未可知是該商現指礦地與部局兩礦有無窒礙此時亦難懸定等情自應如詳俟井陘礦界與郵部礦界劃清之後再行核辦以免別滋糾葛仰即飭遵繳○完縣韓令樹梅稟開辦戒煙局日期由 批據稟已悉仰禁煙局即飭該縣妥籌的款隨時倡導設法擴充並督率紳董切實勸禁勿稍疏懈

學台批示○兩級師範簡易畢業生靜海縣陶慎儒天津縣元靜軒稟請賞派差使一案 批據稟均悉現無相當之事可派俱准自行另圖

直隸法政學堂牌示○為牌示事照得本堂戊班別科業經上課所有本日補考取錄李惟熙吳鶴達二名仰即取具保結隨帶來堂交納一學期學費洋十八元並保證金二元填寫履歷志願等書即行上課切毋自悞此示

直隸全省警務處批示○成安縣附生溫鶴姿等稟控劉正文一案 批稟悉已札行該縣查核辦理矣此批○警務畢業生武順安稟入研究所一案 批稟悉該生懇請入研究所一節業由本處登冊存記俟有缺出再行傳

補此批○警務畢業生臧士壽稟入研究所一案 批稟悉查研究所學員業經滿額應由本處存記俟有缺出再行傳補可也此批

保定工巡總局批示○民人王廷才具稟一案 批候傳飭該管分局詳細查察如果毫無窒礙不致釀成事端方許暫時開賽至所請納捐領照事難准行毋庸置議此批

## 電報錄要

路透電○英國日日郵報云英守備沙克利敦氏於去年西一月率領探險隊由紐錫蘭島啓程往南極探險艱苦備嘗現已過返當行至最後三度食物甚少每人一日減爲二十兩每一小時行七十英里風雪交加在霜雪中

行七十二度於西十二月二十六號行至南緯八十八度二十三分東經一百六十二度該處較平地高一萬餘尺測量離南極尚有十一英里遂在南緯七十二度七十五分東經一百五十四度之處設立標杆當過返時并無染弱症者惟有數人因食馬肉患病

又電○英首相阿司奎斯氏在下議院讀上議院議員克魯勳爵答謝布蘭克氏(紐錫蘭島總督)之電該電係稱謝紐錫蘭島擬送大戰艦一艘之事

又電○英國海軍大將比洛福德氏(海峽艦隊總司令官現撤任)日昨在波爾茂斯港下旗時極力稱謝民人相送之意當比氏行抵瓦德福地方時居民極意歡迎

柏林電○英皇偕其後於西四月往希臘京城一遊并遊歷阿德利提克海(希臘之間)擬至溫尼斯爲止然後由聖葛薩德回英

## 新政紀聞

政治

出示曉諭選舉辦法○現在京師初選舉將屆開辦大宛二縣令特將初選各辦法出示曉諭以便定期開辦

飭屬設立統計處○順天府通飭所屬各州縣添設統計處就近調查地丁戶口實數列表申送派辦處以備稽查劃清學董辦事權限○奉天鐵嶺勸學所紳董近來辦四鄉學務係分任管理東北路歸會紳述堂南路歸陳紳兼

初西路歸金紳瑞徵各路學堂有事均歸該管紳董經理他紳不得干預以清權限云

兼辦地方自治事宜○江西自治會業已成立惟城鎮鄉自治會尤須趕緊籌設現經贛撫將京頒自治章程發交諮議籌辦處附設之研究所司選員研究俾各司選員赴各屬辦理選舉兼辦自治以期一舉兩得司選員出發後即改爲自治研究所令自治會員入所研究條文並責成籌辦處兼辦自治各事宜

學務

咨照調員辦學事宜○吏部咨行學部略謂學部郎中曾培現經四川總督奏調辦理該省學務應准前往供差京察册內所註考語請詳審再列等第云

條陳整頓學務辦法○浙省各屬省視學朱邦傑李蔚然沈景蓉徐光烈諸君公具整頓學務辦法條陳呈請學司施行支提學察核之下當即黏抄通飭遵辦條陳如下劃清學級擬請通飭各屬學堂凡一年級二年級三年級四年級分班不得僅用甲乙丙丁字樣致眉目不清如同一年級人數太多須分兩班三班者始准再就年級內分甲乙丙丁等班通飭積分各處學額常有以少報多之弊若實行積分備有冊籍以便稽考此弊可以杜絕擬請通飭各學堂遵照部章務備上班分數名冊俟省視學到日檢出備核整頓學所擬請通飭各總董實行巡視將城鄉各學堂預爲調查開列實在情形俟省視學到縣之日卽行交出以便挨次覆查藉規該總董之是否盡職再各種公文往往州縣僅照會勸學所致各學堂多未周知擬請一併通飭各勸學所務於公文到日一一通告不得延漏改良私塾擬請將仁錢山陰已行辦法會合變通擬一章程通飭各勸學所查照辦理以便推廣教育廣頒初等小學章程鄉曲僻陋多未見過部章擬請於教育官報學制門內插印部定初等小學章程一次以便通曉實發教育官報各州縣因款項難收往往收貯不發以致各學堂並不知有此項官報者居多擬請改由各州縣轉交勸學所分發其報費卽責成勸學所彙收交地方官轉解庶無延擱不發之弊

### 軍政

擬補註衛生要則○探聞陸軍部以前次由部頒發之軍隊衛生要則各省已紛紛簽註覆部今經查核各省所註之各節尙有遺漏不全之處相應再行咨飭各省詳加補註以期完善而昭劃一云

軍界人員之更調○江督端午帥現以督練公所參謀處章總辦亮元調充要塞工程局總辦所遺參謀處總辦缺以步隊第十八協吳統領錫永調充遞遣十八協統領缺以砲隊第九標王統帶遇甲調充再遣砲標統帶缺以第九鎮司令處正叅謀官陳君懋修調充業於日前分別檄飭遵照

改期實行新頒鹽捕營制○蘇藩兼鹽捕營總統瑞方伯因各營章制未能劃一諸多流弊前曾頒發改訂新章飭於二月爲始一體實行茲以各營弁勇船隻增減不一撥補編配尙需時日且各營餉項改支銀洋前後截算又恐混淆不清不克如期趕辦爰復通飭各營改於閏二月初一日爲始按照新章辦理以期周妥而免叅差

### 實業

札委印刷廠會辦○江督現擬推廣南洋印刷廠特札委商務局會辦費毓桂觀察主任印刷廠會辦差使  
札飭趕設農業會○江蘇鎮江府承瑞卿太守以農事爲新政要端爰於日前札飭各屬於今春起趕緊設立農業  
會以興農事而開利源

江西調查局注意實業○總辦江西調查局通飭云統計科第三股案呈本股掌調查實業事務門類繁雜凡各地  
貨物之出入每年商本之盈虧以及工藝有無進步礦政是否合法除官辦者鈎稽案牘略知梗概其餘民間實  
業散漫無可考核上下隔閡提倡無方曷由發達接近代泰西各國或以商力爭海權或以殖民闢疆土無不賴  
振興實業馴至富強江西土地肥沃物產豐饒惟以僻處內地故步自封民力不勤利源未闢若不考求其內容  
而綜覈其大數何以設法改良徐圖擴充前奉農工商部頒發表格通飭填報業經轉飭在案乃今填報者尙屬  
寥寥殊爲玩忽特由本局斟酌本省情形另擬各項草表以備憲政編查館正表頒到可以詳晰填入云

雜記

捐田贍族之可風○蘇垣吳縣職員錢立賢遵先人遺命在祖遺產內撥田千畝設立義地贍養同族貧寒之家日  
前稟請撫院飭縣立案陳中丞以該職捐田贍族洵屬敦宗睦族孝義可風自應照准當批飭吳縣查取莊規冊  
結存查備案

粵東士敏土石之調查○廣東士敏土廠前因羅定東安大石山所出山石可製士敏土當委候補知縣施大令景  
華前往查勘該山土名高橋山約高四五十丈縱橫六七里係鄉民陳姓管業左近相連有小石山土名牛頭頂  
高二十餘丈縱橫二三里爲阮姓之業均離縣城約三十餘里該兩山所出青藍石原質甚高以之製士敏土可  
得八九成之譜每年由西江出口約二千五六百萬斤每萬斤價銀十兩餘如照省河石釐設卡抽收每萬斤抽  
銀一兩二錢每年不過收銀三千餘兩光緒二十九年由商人批辦開採運銷澳門等處年約一萬餘噸每噸價  
銀一兩八錢如照設卡抽收每年亦約得一千兩而卡中支銷費須過半所收實屬無多倘就西江各處原有之  
廠帶收則公家增一進款而省糜費卽商民少一釐卡以免滋擾似較事半功倍現該令已將查得情形分別具  
覆當道察核辦理云

京師八旗人口生死移徙分別統計表第十九

京師八旗人口職業分別統計表第二十

八旗戶口滿蒙漢軍各設佐領以爲管轄出入有稽逃亡有禁編審之制較漢民爲加詳其職業則除入仕入伍之外生計維艱屢經臣工奏請變通舊制前由練兵處會同戶部議覆請飭各旗都統認真稽核自親軍護軍馬甲下逮養育兵四孤及無餉之各丁口造冊送查並由練兵處挑選陸軍巡警部挑選巡捕近又創設工藝廠以爲教養兼資融化滿漢之基礎入手辦法自以清查戶口年齡職業爲第一要義以上三表均按現居地方分別填註如有難以詳細之處亦可先計大數再求精密

京師內外城各廳區人民戶口男女統計表第二十一

京師內外城各廳區人民男女年齡分別統計表第二十二

京師內外城各廳區人民生死移徙分別統計表第二十三

京師內外城各廳區人民職業分別統計表第二十四

中國人民戶口較之各國最爲繁盛而京城又爲首善會歸之地千品百官九流三教無所不有民政部業經迭次奏明按戶清查當可得其大數職業表內士紳一項兼包舉貢生員肄業學生及本地官紳而言惟生死移徙表三十三年各數未能逐一追查自可暫不列表現在查報即當按表增補以期完備

京師內外城各廳區人民宗教分別統計表第二十五

京師內外城各廳區天主教耶穌教會教民統計表第二十六

京師內外城各廳區天主教耶穌教民職業分別統計表第二十七

宗教之於人民有造成風俗團結人心之力中國雖以儒教立國久定一尊而釋教道教並聽傳流蒙回各部所奉喇嘛清真二教亦各因其習俗以爲治理隱合東西各國信教自由之意至於各國通商以後天主教耶穌教徒盛行并有華民充當神甫牧師稍有齟齬動生國際交涉自應另立專表以覘人心信仰之盛衰教力流行之廣狹此爲調查人口首宜注意

京師內外城各廳區寄居外國人口統計表第二十八

京師內外城各廳區寄居外國人口職業分別統計表第二十九

京師駐紮各國公使隨員以及保護使館軍隊人等應另歸外務部統計此表專計他項寄居人口職業之數京師雖有續開商埠之約而尙未施行本無內外雜居之例惟都邑首區凡政界學界商界諸色人等以及教士藝師聘募貿易游歷往來自甲諸省應各分別臚列表端以備查考

京師內外城各廳區人民違犯警律處分統計表第三十

巡警爲執行法律之機關違警處分專以懲戒人民違犯法律之輕罪而未附於刑法之內者隱合古者刑不虧體罰不虧財之意此表計其違犯之多寡即可觀人民法律思想之進退

京師內外城各廳區辦理教養貧民事項統計表第三十一

民政部習藝所收教罪犯貧民工作經費統計表第三十二

民政莫先於教養而教養貧民尤爲亟務京師舊設粥廠善堂等類有官辦者十五處紳辦者十七處嗣經陸續改設工廠以養兼教日漸進步此表應按放給口糧教習工藝分別開列其隨時設立平糶局施粥廠等則歸賑恤事項不入此表民政部習藝所兼收罪犯貧民是以另列分表附於教養事項之後與前統計職員經費用意不同

京師內外城各廳區總理衛生事項統計表第三十三

民政部官醫院醫治人數病類統計表第三十四

京師內外城各廳區設立醫院種痘局處所統計表第三十五

京師內外城各廳區醫生穩婆人數統計表第三十六

衛生事項亦爲警政中首宜注意管理故有衛生警察之名官醫院既爲民政部直轄醫治人數按季奏報是以特設分表意與前習藝所相同其餘施醫院種痘局等以及醫生穩婆人數於衛生中關係尤重且有各國人設立充當自應分表統計以期詳晰



山 景 京 北

啓新洋灰有限公司廣告



啓者本公司係承唐山洋灰公司創設新廠歸併舊有之老廠擴充辦理改  
 名啓新洋灰有限公司稟奉北洋升督憲袁咨准農工商部註冊立案上  
 年購到外洋最新式機器全副去臘業已開機所出之灰足數主顧購用尙有製  
 考驗拉力俱高外洋之貨且機器加大出灰足數主顧購用尙有製  
 設在天津英租界先農公司對面並北京烟台上海漢口等埠均設  
 分處銷路廣袤如蒙訂購交貨無不從速至價廉貨高久爲中外紳商  
 所信用不待贅述所有本公司各種磚瓦等件尺寸重量式樣及大概用法另  
 刊華洋廣告光顧諸君請向本公司索閱價值一切亦可接洽也  
 得待風一千三百九號

啓新洋灰有限公司添招磚窰股本廣告

啓者本公司第二屆會議提及上年議決在唐山東北二十餘里之馬家溝添設機器磚窰現在即須開辦約計成  
 本行本共洋三十萬元仍以五十元爲一股先儘原股東附入是日在會股東已各認定股數頗形踴躍如再有股  
 東願入此股者請自二月十六日起兩個月內先將認定之股數函示註冊該股款於註冊後兩個月內全數交  
 齊即以交款之日起息如欲詢詳細辦法請惠臨天津海大道本公司面談可也此布

啓新洋灰有限公司分派第二期年息紅利廣告

敬啓者本公司應派上年年息紅利定於閏二月初一日起憑息單發給並分送帳略務祈在股諸君屆期到天  
 津海大道本公司總理處領取如南省股東亦可將息單交上海天津分銀號承接寄津代取不計匯費惟津滬往  
 返函寄約需一月屆時望持該號收條領取息單可也

# 欲為諮議局議員者臨金

## 總發行所 上海商務印書館分設

京師 天津 太原 成都 漢口 福州  
奉天 濟南 開封 重慶 長沙 廣州

今年九月各省開辦諮議局 議員責任甚重 非研究有素 臨時必至周章 故凡為議員者 第一須知普通政法之學理 第二須知立憲制度之精神 第三須知地方自治之組織 第四須知會議決議之方法 本館所出政法書百餘種 茲選其尤簡要而又有合於斯四者 分別列目 幸垂鑒焉

### ◎普通政法書

法學通論 七角  
法制經濟通論 四角  
政法理財科講義 五角  
日本法制要旨 一元  
日本明治法制史 九角  
政治講義 五角  
法律經濟辭典 布面七角 紙面五角  
法規大全解字 四角

### ◎憲法書

政治學及比較憲法論 二元  
憲法研究書 一元  
憲政論 五角  
日本憲法義解 三角  
本預備立憲過去事實 五分  
立憲國民讀本 三角  
◎議會書 日本議會法規 四角  
議會政黨論 五角  
十六國議院典例 五角  
日本議員必攜 八角  
◎地方自治書 自治論 七角  
歐洲大陸市政論 四角  
地方自治財政論 五角  
地方自治淺說 三角  
此外政法書之尤重要者 日本法規大全 二元  
日本六法全書 一元  
比較國法學 七角  
國法學行政法汎論 一元  
行政法各論 六角  
民法原論 二元  
政治學要 三元  
政治學 一元  
那特經政治學 四角  
政治汎論 二元  
萬國國力比較 二元五角  
嚴復社會通詮 一元  
嚴復羣學肄言 一元  
嚴復羣己權界論 八角  
◎財政 有經濟通論 七角  
理財新義 五角  
英國度支考 四角  
國債論 三角  
計學教科書 一元  
理財學講義 四角  
計學淺訓 五角  
◎教育 有日本明治學制沿革 一元  
歐美教育實際 二元  
德國學校制度 四角  
◎警察 警察講義錄 五角  
雖卷帙較繁 議員苟有餘力而兼治之 則受益無窮矣 尚祈諮議局章程箋釋 諮議局章程要義 五分  
諮議局調查須知 五分  
諮議局選舉須知 一角  
諮議局章程表解 三分  
九人人所必讀 無待贅言也 (河北大胡同電話 五百二十六號)

## 天津商務印書館廣告

查須知 五分  
諮議局選舉須知 一角  
諮議局章程表解 三分  
九人人所必讀 無待贅言也 (河北大胡同電話 五百二十六號)



# 北洋灤州官礦有限公司付息廣告

啟者查本公司定章每屆二月會議三月付息現時井工正在趨辦股東會尚未成立茲先循章將各股東自交股日起截至光緒三十四年底止應得正股紅股官利一律照付本埠以三月初一日為始外埠以三月十六日為始屆時請各股東携帶全賬息單此係第一期取息萬勿掣裁至原交股處支取息銀或此埠股東願改赴彼埠取息者可預先半個月到原埠掛號聲明俾可函告該處屆時照付倘有未經換股票者請迅持原執照往換如無息單即無憑付息特此奉聞

## 付利處

天津 三岔河口玉皇閣本公司總理處北馬路天津銀號  
 北京 保定 上海 漢口 唐山 張家口天津分銀號

### 同啟

常州儒醫

## 秦小和男婦大小方脉

門診大洋一元 出診兩元寓吉陞棧內

## 得利文洋

本行開設天津上海香港志呢華海參歲等處均設立有年諸班貨物由外洋木機器廠自造磁蘭洋鐘皮套鐘天文坐卦等鐘以及金銀夾金銅鋼等表約有二百餘宗並各樣表鍊金鑲珠寶鑽石戒指留耳墜鐲子表墜大小八音盒並留聲話匣單雙桶千里眼磁蘭磨花穿衣鏡妝梳洋鏡大小皮包法國洋號又新到轉盤換調話匣八音盒價值格外從廉仕宦官商光顧者請移玉紫竹林法租界本行面議可也

## 武齋洋行

本行開設天津 於茲二十餘年 自運各種洋貨 絨紗布匹綢緞 繡化屏風鏡額 磁銅料器瑤藍 奇巧美術玩器 日用雜貨俱全 學界文房用品 旋行携帶等件 精工裝身物料 定織各色蓆氈 如蒙官商光顧 價值格外從廉 貨多不能備載 本行隨便入覽 電話一千三百七十四號 天津法租界 武齋洋行謹啟

## 瑞林祥元記 緞洋貨

本號開設（北京前門外鮮魚口）（天津估衣街中間路北）（山東濟南府院西路北）等處 自置綢緞洋貨顧繡粧蟒花素貢絨絨緞各色抖蓬哈啞厚呢以及京廣什貨織絨綫貨各色 俱全貨高價廉劃一不二中外 紳商賜顧移玉是幸 瑞林祥元記具

# 本局印售各種書籍圖畫目錄

澄衷學堂字課圖說

天文歌略

地球韻言

小學韻語

蒙養學堂百課

最新初等小學國文教科書

初等中國歷史教科書

心算初學

最新初等小學筆算教科書

初等小學筆算教科書教授法

忠經

英文學隅

東文典問答

地文學問答

皇朝政治學問答增校初二編

節本泰西新史攬要

筆算教科書

數學上編

普通新智識課本

中等植物教科書

中學礦物教科書

高等小學博物教科書

生理衛生學

化學教科書

中學地理中國誌

八本洋二元

一本洋三分

一本洋一角五分

二本洋二角

一本洋一角五分

一本洋四分

二本洋三角二分

二本洋一元

二本洋一元

二本洋一元

二本洋一元

一本洋二角五分

二本洋二角五分

二本洋二角五分

二本洋五角

二本洋五角

二本洋五角

二本洋一元二角

二本洋一元二角

二本洋一元二角

二本洋一元二角

二本洋一元二角

二本洋一元二角

一本洋二角五分

一本洋二角五分

四本洋六角

植物學教科書

皇朝政典舉要

萬國憲法比較一本

法學通論

萬國通商史

新爾雅

康熙幾暇格物編

周禮政要

明夷待訪錄

普通教科書目提要

科學書目提要初編

心算教授法

萬國公法提要

甲辰學報彙編一百種

乙巳學報彙編

丙午學報彙編

全年學報彙編

農學新書三十五種

日本栽桑捷法

美國養雞法

農務述聞

織輔輿地全圖

御製耕織圖

朝鮮輿地全圖

地球開闢次序圖

平圓地球圖

東三省鐵路全圖

一本洋二元五角

四本洋五角

一本洋五角

本局廣告

本局承辦印刷研究  
 精良近益不惜重資  
 延聘外洋著名工師  
 添購新式機器精製  
 雕刻銅版所有承印  
 各種紙幣股票等件  
 圖畫精巧色澤鮮明  
 紙質堅緻屢蒙中外  
 官商照顧頗加獎  
 譽茲為推廣招徠起  
 見自本年起承印各  
 項價格外減讓以  
 副官商雅意如蒙  
 賜顧請至本局賬  
 房面議可也

本局售報價目

本埠售價官報按日一冊每月三十冊收價銀六角零購者每冊洋銀二  
 分

法政學報十日一冊每月三冊收價洋六角零購者每冊二角

兩種合購每月收洋一圓二角

各州縣報價交銀者除額定銷數照舊收銀九錢外額外分購者統照本  
 埠售例

綠色條胰出現廣告

本場為提倡高等成色條胰起見不計本利力求料實耐用洗濯異常滑  
 快經久絲毫不抽委與外洋白條胰相頡頏而價值格外低廉如蒙購用  
 即知此胰貨高價廉便宜合算 賜顧者請至北馬路售品總所或本場  
 售品處零整均可面議一為試用定當爭購此佈

天津河北實習工場謹白

大清銀行廣告

大清銀行現定三月初六日在京師虎坊橋湖廣會館照章開股東會議  
 屆期務祈 光臨並先於閏二月十五日起分派老股新股官餘利請附  
 股諸君持摺來行取息特此白